

Այսօր տեղի է ունեցել Հայաստանի Հանրապետության կառավարության բարեգործական ծրագրերի համակարգման հանձնաժողովի հերթական նիստը, որը վարել է հանձնաժողովի նախագահ Սիմոն Տեր-Սիմոնյանը:

Հանձնաժողովը քննարկել է 14 բարեգործական ծրագիր: Մասնավորապես, քննարկվել և հաստատվել են՝

«Հայաստան» համահայկական հիմնադրամի կողմից իրականացվող Երևան քաղաքի «Սուրբ Գրիգոր Լուսավորիչ» բժշկական կենտրոնի դիալիզի և նեֆրոլոգիայի բաժանմունքի վերանորոգում», «Երևան քաղաքի «Նորք տուն-ինտերնատ» ՊՈԱԿ-ի մասնակի վերանորոգում», «Հայաստանի Հանրապետության Տավուշի մարզի Սարիգյուղի մեխանիկական արհեստանոցի կառուցում», «Լեռնային Ղարաբաղի Հանրապետության Ստեփանակերտ քաղաքի թիվ 5 հիմնական դպրոցի կահավորում», «Տավուշի մարզի Ազատամուտ գյուղի միջնակարգ դպրոցի մասնակի կահավորում» և «Լեռնային Ղարաբաղի Հանրապետության Մարտունու շրջանի Սարգսաշեն գյուղի ջրատարի վերակառուցում» ծրագրերը:

Մայր Աթոռ Սուրբ Էջմիածնի կողմից իրականացվող «Քիստոնեական ժամանակակից ընտանիքն իբրև հասարակության հենք» գրքույկի տպագրում» ծրագիրը:

«Կամրջակ» սոցիալ-բարեգործական կազմակերպության կողմից իրականացվող «Արարատի մարզի Փոքր Վեդու համայնքի մշակույթի տան արտաքին դռների և պատուհանների փոփոխում» ծրագիրը:

«Հայկական Կարիտաս» բարեսիրական հասարակական կազմակերպության կողմից իրականացվող «Ոռոգման ցանցի վերանորոգում Հայաստանի Հանրապետության Շիրակի մարզի Գետք գյուղում», «Խմելու ջրագծի կառուցում Հայաստանի Հանրապետության Շիրակի մարզի Ամասիա գյուղում», «Խմելու ջրի կապտածի վերանորոգում և ցանկապատում, դիտահորի պատրաստում, d75 խողովակի 260 Գ/Մ հատվածի փակում նորով Հայաստանի Հանրապետության Գեղարքունիքի մարզի Զովաբեր գյուղում» ծրագրերը:

«Բանանց» ֆուտբոլային ակումբ» հասարակական կազմակերպության կողմից իրականացվող «Մանկապատանեկան ֆուտբոլի ակադեմիայի վերակառուցում և հագեցում» ծրագիրը:

«Փյունիկ» բարեգործական հիմնադրամի կողմից իրականացվող «Բարեգործական բեռների ներմուծման և անհատույց բաշխման» ծրագիրը:

«Քարավան-88» բարեգործական հասարակական կազմակերպության հասցեով ստացված բեռի ներմուծման ծրագիրը:

Նիստում քննարկվել և հաստատվել են նաև նախկինում հաստատված ծրագրերի շրջանակներում իրականացվող հարակից գործարքներ և տարբեր կազմակերպությունների հասցեներով ստացված բարեգործական բեռների ներմուծման ծրագրեր:

